

重印剡源鄉志序

一國之人各能洞悉其國之得失利弊及其盛衰沿革之故舉而措之其國必治一鄉之人各能洞悉其鄉之得失利弊及其盛衰沿革之故舉而措之其鄉必治鄉者國之所由積也鄉之有志猶國之有史也規國者視其史規鄉者視其志英吉利以不成文憲法治其國而民氣發達凌駕五洲說者謂其地方自治制度之完備使然也然則一鄉之不能治又何有於天下國家治國者當自治其鄉始矣今當地方自治不日回復之際而趙君平之迺有續印剡源鄉志之舉斯誠知所急務矣夫徵文考獻物產此修志之恒例無足言者誠能進而求之於採訪撰述之餘日與鄉之父老昆弟詳究其鄉之得失利弊及其盛衰沿革之故而求所以整理之補救之光大而發揮之其成效宜必有可觀者我浙省議會方承大總統垂諭嘉獎馳譽與窮他日剡源鄉之地方自治得斯志以資考鏡吾又安知其成績且不爲我奉各鄉冠爲我浙各縣冠爲我國各省冠也哉

景曾

承乏斯土與有榮施矣用書數言遺之使弁

剡源鄉志

丹山赤水洞天
剡曲草堂印行

諸簡端尤願與趙君及其鄉之父老昆弟共勉之焉

中華民國五年冬十二月署理奉化縣知事屠景曾謹

書趙醉仙先生剡源鄉志後

山川靈氣必待人而發洩崧生嶽降載在詩書者班班可考也吾浙東多奇山水而四名山尤著名道書所謂第九洞天第五十七福地者是也剡源出四明山南麓其中溪流凡九曲而以第五曲三石爲最奇丹山赤水洞天峙其左代產賢哲放齋本堂兩先生之故居在焉醉仙先生居其下承累代家學儲書二萬卷以教子弟又以丹山赤水古神仙之所居採藥煉丹時以救世樂剡源山水之明秀也蒐輯古今載籍名賢著述芟蕪錄粹考核精詳爲剡源鄉志二十四卷刊印行世余取其書而讀之幽微靈秀齒頰皆香如游九曲剡溪如登四明山望石窗行過雲諸村天台志雁蕩志無以過也余惟名山大川必有高人畸士生其間靈秀所鍾爲山川生色剡源大詔故王羲之所居今得醉仙可與右軍媲美矣昔陶潛作桃花源記純屬寓言今剡源饒有山水之勝而桑麻雞犬又遠勝于武陵但未知避秦人曾來此否醉仙兼文武才既翹剡曲草堂倡文社以勗其子弟又請兵捕盜誅不率教者以勵其鄉一

剡源鄉志

二

丹山赤水洞天
剡曲草堂印行

鄉之人奉爲泰斗惜未及大用而卒令嗣平之先生前清孝廉持躬嚴正承先志重印是書屬余爲之跋余謂山水既不負人人亦不可負此好山水民國紀元文明大啟趙氏一門有能繼先生而起者立奇功建偉業勳名竹帛俎豆湖山則王右軍不得專美于前而剡水剡山亦由茲生色矣趙氏勉乎哉余家金華北山之陰亦道書所謂第三十六洞天者愧不能與剡源爭勝讀是志輒增愧慙惟慨慕仙境不能去懷略書數言以誌景仰云示

鐵甲山樵六侯蔣綱謹跋

剡源鄉志序

古者閭師黨正各掌其條約教令考其德行道藝糾其過惡而勸戒之未聞有司職教之任者及考周制鄉有三老歲獻賢能然後知古之黨正卽一鄉之師率者也自秦漢分置郡縣田賦學校山川祀典名物風化所繫特設官以主之而所謂里老鄉賢相與維持政教於不敝者難數數觀矣壽銘承乏奉化之明年夏六月邑紳趙君醉仙挾所纂剡源鄉志二十四卷索爲序言弁諸簡首余雖窳陋安可以不文辭按鄉隸縣治西偏名曰剡源因近昔之剡縣也山海風氣之殊衣冠世族之盛徵諸舊制於奉爲最而趙紳以博聞強識之士慨邑乘年久失修懼文獻之湮滅仿宋張氏卽之元豐氏灼鄉志之作掇墜拾遺沿舊增新輯爲是編俾鄉之人士有所觀感其賢且能殆卽古時師率者歟然吾嘗聞江淹有云修史之難無出於志誠以志者大而天下萬國小而府縣一鄉疆域之沿革治亂之得失錢穀兵刑之增減典章法度之權宜以及農桑食貨風土民情關繫甚鉅非熟悉歷代掌故者不能爲也趙紳於

剡源鄉志

沈序

丹山亦水制天

曲草堂印行

生長釣遊之地舉文物名蹟禮俗窮年兀兀考訂成書則亦老於典故者之有是舉也觀其例言若網在綱有條不紊其裨益世道人心夫豈獨爲一時計哉光緒壬寅季夏四品銜補用同知直隸州卽補分府署理奉化縣事湘鄉沈壽銘謹

剡源鄉志例言

一吾郡鄉志昉自鄞張樗寮氏卽之桃源志豐茹菴氏灼三茅山志二志今不可得見吾邑向無鄉志往年吳可舟文江劉漁塘紹興兩廣文創纂忠義鄉志孫玉仙司馬謂剡源多古蹟又多佳山水盍撰述而考證之遂勉從其言竊不自揣纂爲是編

一鄞新志謂地志體例一統志省志宜簡府志宜詳縣志尤宜詳俞曲園先生序南潯鎮志亦云然則鄉志宜更詳於縣志矣故是編體例寧詳毋簡

一奉化舊志浙江通志載自宋寶慶至清康熙凡十有一志今存者惟康熙乾隆二志且遺漏實多是編凡剡源掌故廣爲搜羅以類編入然自乾道四明圖經以至乾隆奉化縣志凡關涉剡源有舛誤者必訂正之

一班氏漢書全襲史記之詞後人援其例者不勝枚舉緣事蹟非可憑虛而構非故襲舊文也衛正叔纂禮記集說有云他人著書惟恐不出於己某此書惟恐不出

剡源鄉志

例言

一

丹山赤水洞天
曲草堂印行

於人是編所纂頗附竊比之列

一阮文達創國史儒林傳皆就各家紀述集句成篇仍分注所出於下彭尺木名臣儒行吏蹟述亦注明所據之本於篇末示非臆造也是編一遵阮彭之例分註所出其得之採訪者則注新纂二字若每條未注所出者亦皆本之採訪發凡於此後不復注

一志叙先正事蹟與史例不同史無論賢奸但有關繫者皆列之志則專主揚善故所錄皆粹然純詣惟附見之人其例稍寬

一人物列傳縣志強分名目頗蹈章實齋之譏茲從一統志按代爲傳惟寓賢仙釋各自爲類

一藝文上卷皆剡產所著書目按代爲次分注存佚於下中卷皆剡產所著文詩故曰內編下卷則皆非剡產所著文詩故曰外編

一寓賢著述周貞靖國難歸隱祝髮石蓮菴築瓢榭樹灣而身後返葬首邱羅臺山

避地西峯寺變姓名爲高朗作賓師於許岸三年後仍返故鄉二先生者人本寓賢故著述入之外編張武子自拱徙明康熙志云隱於大雷山乾隆志云其子孫今居高舉孫蓮峯挈女隱居許岸女適許岸張氏父亦館許岸張氏沒後又埋骨於許岸二先生者雖非剡產實與剡產無異故人列寓賢而著述則歸入內編一網羅散佚本後死之責張武子雪窗集周文忠序之今其集不可得見而高舉許岸兩張譜有武子過清修嶺諸詩羅臺山尊聞居士集絕無關涉剡源之作而高舉許岸兩張譜有臺山所作壽序家傳各一首西隅樊譜有孫竹灣所作壽序家傳各一首亦竹灣遺稿所不載故皆一一編入藝文至孫蓮峯之著作百有餘卷本藏許岸張氏家乃歷年搜求竟不可得豈藏之非其所耶抑傳之非其人也無錫志稱著有白紵集其存亡亦不可得知今從各譜搜得詩數首悉編之以存吉光片羽

一鄉志係一鄉之書本不應靡入己作然徐鼎臣同修太平廣記而全採其書神錄

剡源鄉志

例言

二

丹山亦才洞天
剡山草堂印行

蔣文肅書經傳說彙纂而全採其地理今釋是編遵用其例間登己作

一浙江水陸道里記所繪剡源水陸謬誤疊出其尤外者巖頭之水繪出連山他如稱蹕駐曰宋村塔下曰曹村三石曰陳村何村趙村巖頭石門並曰毛村等類是蓋未見奉化縣志者是年測量新昌者爲嵛縣馮頌眉錫徵嘗言余初稿係實測實繪總局以不合格格式駁之飭重測重繪蓋與四封計里圖線不能合楸故也不得已就其範圍而繪之大是違心之作夫一縣如此他縣可知是書余等之禘自既灌槩不之引

一記序詩歌有專屬者分隸各景以合比事屬詞之義故案代爲次一一編入然原稿實多遺漏其續行採得者悉入藝文因各景已先擺印無可更動也

一章實齋言志家之載選舉率以進士舉人貢生武選各分門類又以進士冠首而舉貢以次編於後於是一人之由貢獲舉而成進士者先見進士科年再搜鄉舉時代終篇而始明其入貢年甲焉於事爲倒置而文豈非複沓乎是編遵用其例

作選舉表宋以前無可考姑闕之宋元兩朝諸科爲一格進士爲一格前明則諸科爲一格貢生舉人進士府史四項各爲一格國朝貢生爲一格附以廩增次舉人爲一格因無進士故次武舉爲一格附以軍功次武進士爲一格

成之後故未入表

○按竺廖祥登進士在志

一是編序次山類以四明山爲主先後路次中路次前路水類以九曲溪爲主先中路次前路次後路祠廟寺菴倣此氏族社倉等以都圖爲次

一曾氏榮之序剡源八景全氏祖望之表剡源八傑其地其人不皆剡源蓋以剡源二字槩奉化一縣也是編去取謹嚴不槩牽涉以爲光寵

一物產有爲各鄉所同者有爲吾剡所獨者茲就吾剡所有一一列之下不復注所出以徵引之書大抵相同也

一錄文昌祠說所以祛惑也錄甘藷諸說所以備荒也錄伐蛟說捕蝗記所以救害也識者諒之

剡源鄉志

例言

三

丹山赤水洞天
剡曲草堂印行

一同治中見江西一優貢行卷履歷書香二十二世並無白丁可推海內第一家我剡累葉書香頗不多見故與重遊泮宮及五世同堂者輯爲一鄉佳話

一年前丁口祇採男口而未及女口今遵重修縣志條例又復逐村採訪將男女分數及舉貢生監市民樂戶一一分別纂入

○按均以志成之年爲準

一祠廟爲祀事所關寺菴爲古蹟所在故是編一一入之

一查閱各族譜牒凡節婦烈婦無論已未旌獎必核實守志年分並博採輿論毫無遺議者方敢錄入其有年未五十立志不二者姑俟續登

一是編徵引圖志初見稱乾道四明圖經寶慶四明志延祐四明志至正四明續志成化四明郡志嘉靖寧波府志雍正寧波府志康熙奉化縣志乾隆奉化縣志再見卽稱乾道圖經寶慶志延祐志成化志嘉靖志雍正志康熙志乾隆志從省也他書倣此又宋元志註明卷數者恐有錯誤易於尋檢也

一藉資考證之書俱借自孫玉仙司馬吳可舟江後邨兩廣文三君藏書頗多他山

之助惠我匪淺

一氏族有關乎世系故家喬木悉於是在而戶口爲保甲之要務亦不容略上年江後邨廣文屬戶口分士農工商名目此實非易士之子恆爲士農之子恆爲農工之子恆爲工商之子恆爲商此管子之政所以致富強者也今則不然卽如士族求一弓冶相承累葉書香之家已不多見譬如一家四子身業儒長子亦業儒次子業農三子業工四子業商將何法以註其戶籍今僅標儒幾戶生若童幾名所以表士族也自餘槩之曰農工商若干戶樂籍亦附焉

一地志之詳風俗權輿於周官職方氏發明於班史地理志然近出志書風俗一門頗同荆楚歲時記是編略載土風而詳言敝俗以資化民者毫末之助初稿多痛罵惡俗頗蹈毛西河善罵之習吳可舟廣文惠書相規因刪節大半焉

一漢儒詁經有讀如讀若之例是編間用其例以見我剡土音之別

一周禮大司徒而下職方司書司險之官俱以地圖周知險阻辨正名物故地志之

剡源鄉志

四

四

野山亦水洞天
剡山草堂印行

書莫重於圖宛溪顧氏謂圖以察其象書以昭其數左圖右書真學者事也余自慚不諳測繪因屬族姪文繼彷彿摹擬以成鄉境都圖二圖俾閱者得知我剡之形勢四明石窗係一郡之形勝去秋曾倩周君梅生用照相拍成而黑影模糊不可辨識亦屬文繼摹繪一圖附焉

一田地山蕩魚鱗冊已蕩焉無存非清丈不能得其實在確數雖莊書之冊可據以核算而我剡之田地有爲別鄉之產者別鄉之田地有爲我剡之產者中多穆葛斷難分析是編祇載官徵銀米之數於田地山蕩悉從蓋闕

一開方計里之法以核經緯之度數則可以核道路之里數則不可李中者一統全圖張丹村揣籥小錄丁雲梧輿地經緯道里表雖極詳密而里至究多不合蓋度數但以直線推算而里數非實量不可也故是編所繪之圖雖列開方格式注明每方五里而於各門中仍注明距縣若干里距某村若干里

一嵎縣志於補遺一類皆分補於各卷之後此例頗善今遵用之

一黃南雷謂氏族之譜最不可信無論高門懸簿各有遺書大抵子孫粗讀書者爲之掇拾訛傳不知考究牴牾正史徒貽嗤笑我剡各族之譜殆有甚焉進士明經觸目皆是而史乘多所不載是編槩不之採以昭慎重

一是編擺印紙墨經費皆蒙戚好慨助因援碑陰書名之例誌助主姓名於卷末

一是編編次或有未當校讎尤未能詳訂謬校訛是所望於有道君子

一是編經始於丙申孟春至己亥孟冬已三易稿嗣後歲有增入去年夏五邑侯湘鄉李公集士紳謀修縣志俾出稿本呈志局因屬新昌石美光新製三號聚珍板擺印七十部分貽同志并備纂修縣志者之採擇

壬寅五月趙霈濤識


剡源鄉志


例言

五

丹山赤水洞天
剡曲草堂印行

鹽池縣圖






梨洲平院

梨洲平院共有二十三村一方中殊形簇擠故以梨洲平院二村概之在界外者屬別鄉

東


每方五里



族姓文繼繪圖

四明石窗圖

石窗圖



剡源鄉志目錄

卷首

序 凡例 圖

卷一

都圖 里至 鎮市 坊表 風俗 義舉 義山附

卷二

山類 山 峯 巖 岡 嶺 灣 谷 畧 坑 洞 嶺 坡 隴

卷三

川類 川 溪 湖 堰 隄 塘 渚 池 龍 湫 井 橋 渡 水 碓 水 磨 附

卷四

氏族 戶口附

卷五

剡源鄉志 目錄

丹山亦水剡天
剡曲草堂印行

村景 旅亭 茶亭附

卷六

田賦 社倉 族塾

卷七

壇廟 宗祠 寺菴 舊寨

卷八

選舉表

卷九

人物傳 一唐徐浩 陳棠 五代陳殿中監 宋樊良忠

陳顯 弟顯 顏姪恭 樊紱 曹粹中 劉濤 二竺二 頤

樊康之 子邦道 曹盅 竺汝舟 子大任 孫鏞 陳仲 弟侗

竺大年 曹孝元 子詵 陳德剛 弟德毅 唐敬 單欽

樊邦獲 董天麟 董斗祥 張錯 曹說 馬之驥
樊伯攜 陳著 單庚金 陳觀 陳莖 張光遇
張先遇 戴廷節 戴方戴實興 汪灝新補 孫壽新補

卷十

人物傳二元戴表元 竺稷 陳深弟沆 陳泌 陳漢

陳成 董筆潭 石明三 毛良孫 陳樸 陳子輩

徐本原

明陳 經從子瑜 毛于廷 單復亨 王汝賢新補

樓穆中徐瑾 戴汝舟 陳元則 曹習古 陳德成 康助繆康松 陳純來

吳奎明

卷十一

人物傳三清 毛會掌 單九翔 毛會吉 毛岳靈 毛遠根

剡源鄉志

目錄

二

丹山赤水洞天
剡曲草堂印行

樊景瑞 唐文獻弟文煥 唐禪 王世聯 陳守法陳守浩

毛階六 單豐川 趙青照子舜年 竺陳簡子昌阜 毛玉佩

宋聲溪 陳世萎附孫璉陳士興等 毛榮濟 毛謙榆弟謙彬

毛裕足 樊忠銓附單思忠等 趙智大附康炳才等 盧示孝

陳傳基 何文光 張立泚 何景黍 張立洪

卷十二

耆老 封陰 一鄉佳話

卷十三

列女傳一 宋至明 清至咸豐朝

卷十四

列女傳二 清同光朝

卷十五

寓賢傳 晉王羲之 南齊孔祐 唐謝遺塵 王蜀許寂

宋張良臣 舒津 舒岳祥 劉莊孫 元黃正孫 戴良

明全整 周立本 王翊 周志寧 李國標 舒坤翁

宗誼 周元初 陸宇燿 萬泰 邵以貫 王玉書

周齊曾 張廷賓 汪偉 清羅有高 孫廷鎬

仙釋傳 道士附

漢梅福 吳劉剛 晉孫綽 唐某道士 章全素

宋太白禪師 自能 普濟 雪溪 德麟 雪航

陳十二 知和 元東玉 正思 明道 嚴 超觀

清奇僧

卷十六

藝文上 書目

剡源鄉志 目錄

三

丹山嘉水洞天
剡曲草堂印行

卷十七

藝文中一 內編文

卷十八

藝文中二 內編詩

卷十九

藝文下 外編

卷二十

古蹟

卷二十一

第宅

卷二十二

石刻 冢墓

卷二十三

物產

卷二十四

大事記 祥異 助銀姓氏 補遺

剡源鄉志

目錄

四

長男文衡校字

丹山赤水洞天
剡曲草堂印行

剡源鄉志卷一

奉化趙霈濤 醉仙甫纂

里至

西至紹興府嵊縣界一百里以陸照嶺爲界自界首至嵊縣一百四十里寶慶四明志十四〇

延祐四明志一府作路餘同

案嵊縣界是唐興嶺非陸照嶺陸照嶺是新昌界非嵊縣界康熙奉化縣志西至嵊縣剡嶺界一百里今有剡界嶺而無剡嶺剡界嶺仍是新昌界

西北至紹興府嵊縣界一百二十里以箬阮嶺爲界自界首至嵊縣一百三十里寶慶

志十四〇延祐志一府作路餘同

案康熙乾隆二縣志嶺條作箬嶺脫一阮字查嵊縣村落有箬阮此處有嶺去剡源不遠想或是也

東至奉化縣一百四十里界陸照嶺高似縣

剡源鄉志

卷一

里至

丹山赤水調天
剡曲風光印行

由縣治至剡源鄉公塘四十里至高畧五十里至小晦六十里至大晦六十五里至

董村七十里至梨洲一百里至西晦溪一百里至康家五十里至三石六十里至

六詔八十里至雲南村九十里康熙奉化縣志〇乾隆奉化縣志同

案縣志里至有雲南村古蹟亦詳雲南村鄉都又別列雲門村疑門爲南之訛惟遍閱各族譜牒並無言及雲南村者黃梨洲先生四明山志雲南里奉化四十八都剡源管嵩溪里非雲南里四十八都爲今俞村董村棲霞阮西晦溪北溪梨洲諸村其云雲南里四十八都未知所據或以九題之雲南當之據陳本堂先生集雲南村查村然里至既有董村不應一村而有二名且與九十里亦不合以九十里計之疑是石門西晦溪以今石門屬嵊縣不屬奉化豈地名隨時變更而康熙乾隆兩次重修時剡源無人採訪故沿訛而不改與

沙隄接禽鄉距縣城四十里徐家步俗作埠頭四十三里公塘四十五里後董四十七

里康嶺五十里茅渚五十四里西隅五十五里三石六十里塔下六十二里寺前